



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД ҲАДИБЕРҶА

СИ' ИВ ЯЛЯХАНА ҲОПОЙ' СЕРТАБИВА'

Мэбета вадава" ила' панан' етри' мэква"!

НЯРЪЯНА

НЭРМ



№ 29 (5199)
2024 по'
июль иры'
20 яля

СУББОТА

Российская Федерация Ямало-Ненецкий автономный округ



Сидягг: redklassy.bsru.by няд ханава

Ҷани ям'
манэ"мы

3

Вынд' тэвормы"

Ненягг" иры' 12-14 яляха"на Ямална" ты пэрти" Союз' ҳэвахана мэна Тимофей Нгэкович Лаптандер, ты" лекар" серо минрена ерв Евгений Петрович Попов, ты" лекар" Новой Порт харад' хэвувна миосерта" ненэцягг" тэвормы".

Теда' вынгана поса' хабцяггад ягганава' паңо миңа. Ты" лекар" похо" пэрта манзаямдо' минре". Пыдо' яна" тиңгывна ты пэрти" мядо"мана ҳэдалёрҶа". Тарця тиртя Ҷано" тирман' Законодательной Собранияна" депутат Тимофей Лаптандер ненэй мят' ядэрмы. Мяк" нултавандо' мальггана ненэця" ямданавы". Ҷадьбьята нянандо' ям' теневанам' ханавы", тикахад Ҷэсось' яндо' Ҷэсонд' тиртя Ҷанохонохэвы". Тимофей Нгэкович Ҷэдалёр"мита нямна тарем' лахана:

- Си"ми ты" лекар" Ҷэвахана мэна хаҶась, ненэцяггана лаханаковани е"эмня тодамзь. Ҷахакуд хонаркува", тамна Ҷамгэм' «дорожной карта» нубетан' пада тарабта. Ҷани яляхана Ҷэрм' тер" серо минрена департамент', АПК' тер" хусувэй мят' Ҷамда вунидо' пират". Ҷадьбьята маня" Ҷани хонаркува". Яландо' иленаха", харто' тыдо' вадабадаха" хан"Ҷаваць. Тет мято' Ҷэвысь, маларка помнандо' няс". Нерня хибьяха" мимахадана" ехэраваць, пыдо' Ҷод" маня" товахадана" Ҷани' ниць тенев". Тиртя Ҷано' мю' Ҷамд"марихидана" намдаваць, ханя', хибя' мят' миңава". Тарем' ханяцей" сава, ехэрана ненэцие манэ"Ҷава". Ты" лекар" ерв' ня' мале небо' та' вынд', Я' мал' ня', пэ" хою" ня' хэсь тасламбиминзь. Тюку по', мара", хэсь еремя. Сальяггардахад Яр-Сален'

Ҷамдына", таняд ты" лекар" пэҶава". Мале сян час' пир" миңава". Пэ салья' хэваркахана Ҷэвы". Хардандо' Ҷэсонд' няхар" Ҷэдалава Ҷэңгу. Тэвба"на" ямданавыць. Маня" сидна" ян' ниць ха"аврамбю". Ям' теневанава" ненэцие" няку" хаясь, Ҷопой ненэциам' нянанда ханась, тикы нява" сидна" Ҷэсыян' тэврась. Мюсена" нина" нерцю" това".

Пуна то"махадандо' нютнидо' Ҷэдаба нядангува". Едэй яхана палатка сертава".

Тюку илаңгана ты" лекар" сямян Ҷамгэсавэй". Вато' поңга", вато' пя", дарнитато', Ҷаврадо', хонё мэтидо', Ҷавар пиремба мэта Ҷаворидо', спутниковой телефондо' мал' тания".

(Пеляда 2 стр. Ҷа)



Сидягг: Т. Лаптандер' тавыг

Манзаян' тоходана"

Ямалхана «Юные геологи» нубета проект Ҷани' манзаямда минре пяда. Нюртей Ҷацекыдо' мале Пэ" хою" ня' тэвравыдо'. Пыдо' си"ив яля' ямбан' экспедицияхана мэңгу". Едэй сомбой ям манэта", ненэцясяда яхана иле тоходанаггу".

Тюку по' саць Ҷока тохолкода" тарця серм' минреван' харвавы. Ҷокханда 270 пир" Ҷэвы": Тюменской область', Ямал', ДНР' тер". Ҷадьбьята 150 ненэциам' хана идевыд". Поңганандо' 8-10 класс" тер", студент" мэ". Неновна 14-17 по" пиркана мэна". Ма"ним", сиддо' вадамбой" ядэлаңгу".

Хусувэй яля' общественной

манзаям' минрена", я' нийм' няби я' ниня илена Ҷаво лэтрамбада департамент' советхана мэна", я' индадм' нэкалпадаңэ тарана" манзайто' нямна лаханаггу". Таддикахад е"эмняндо' хуркари тохолкова Ҷадимдембаңгу".

Ҷацекыдо' няхар" ян' тяртыдо', Ҷопой мандал"кана няхар" ю" ненэциандо' Ҷэңгу. Пуданидо' пилю" иры' тетимдей яляхана мякандо' Ҷэдараңгудо'.

«Юные геологи» проект 2022 похона Ҷадимьясь. Ям' хабтомдамбава' похона геолог' няби эколог' манзаям' торомдаван' харвани ма"лаць. Сидя по' ямбан' 180 Ҷацекым' Пэ" нямна ядэлавы". Тикы хавна сиддо' Сальяггардан' тэволавы".

Пэдарахана тосакабты

Тюку по' паңохона Ямалспас' тер" саць тэтна". Пыдо' паранана пэдарам' хабтаби". Ялэхэ" манзаядо' ёльце Ҷока. Мяканандо' Ҷоб" хамэдэ пэрҶа", Ҷоб" лэтры": лакри' няндо' лахана пирҶа".

Ненягг" иры' 17 яля' пиркана сидя яхана пэдара паранавы. Ҷокханда 2,9 гектар' пир" Ҷэвы. Хуркари" маяггат сидна" лэтрамбада департамент' тер" вадавна харад' Ҷэсонд' тэворта ту яңгу. Паранана пэдарам' хабтабадаңэ юкад вата мат" Ямалспас' тер" таравы". Сиддо' тиртя Ҷанохо"на тания' тэвола". Мал' Ҷобанзер' тарана серм' минре".

Та' ямбан' мале сиднет ю" мат" паранава Ҷадимы. Ненэцие" Ҷэсонд' Ҷамгэхэрт тум нивы" Ҷэдара". Лэём манэ"махадандо', хо"махадандо' таминдо' хабтабидо'.

Ҷани' едэй" хасуй" я", пя" лэмаггад хусувэй яля' лэтры". Няд"маңэ нюдяко тиртя Ҷано, «беспилотник», «Лесохранитель» системам', машина мэ"Ҷа".

Парананам' манэпата" тюку телефонувна лаханада",
8-800-100-94-00
электронной почтан'
паднада".
DPRR@YANAO.RU

А. Яптик' падвы

Вынд' тэвормы"

(Нердена пеляда
1 стр. толара")

Теда' сидя ты" лекараха', сидя манзаранаха' (вадм' сертабадаха', џамгэри пэмбадаха') тикахана мэць. Нюрте"э' тэри поңгасавэй ват' жока тыд паклеңгуд. Тикахана сую", хабт", лаха ядэрта" ты" мэңгу". Вад' варувна ненэця" нуңгу", тарем' џобкарт ты вадм' ни тахабтаңгу". Пуна тамна' тяхакуна варувнанда дарнитхана мэвы ва" џа. Таддикахад нюдяко лохоко таяңгу. Тикы" лохот помнандо' подрахакудо' таян". Поёдо' дарнитхана талабада". Мюмнандо' яңгавандид на"волтан. Яңгавыд таминда пин' џэдарамбаңгуд. Яңга вад' нё' си ня"амбада" тара пэрџа". Хусувэй мутрада таславы. Жопой яляхана тет час' пиркана ёнар" самляңг юр" тым' яңгавачь. Яңгавы" ты" ты пэрти" вадавна ханзеркарт ни" ханас", вуни" хаңг", вуни" мэдлаңг". Ѓэдо' мардавангадандо', хадюмаңгандо' вад' мюхув тянёмбовна пэръянаць. Неновна ты" лекар" ерв ядэрмам' џани' саваңэ тасламбив. Яңгананаха"на, ты пэртыха"на џамгэ таравам' харта сэвха"ната маниеда. Пардон" аптечка џобтики манэсаръядась. Ненэцяңгат хонаркусь: џамгэ няда тара, џамгэ хэвня' мэсь серо"џа. Тоб"нана" пардонгаңгодина" тамна хаиць. Яңгана мале"мяхадандо' падродо' сертабаңгу". Манзаядо' ёльце жока. Жобанзер' џэхэваб", хубтада яңгусь. Ѓацекэсавэй, несавэй нядаңгуць. Мал' варемдо' мэ"џаць.

ТЭХЭ"НА НЯХАР" ЯЛЯ' ЯМБАН' МЭВЫ"

Хой' няна ёльце савасей. Хэ"мява" ялява", то"мава" ялява" мер' хаяць. Серона" мэ"махадана" тад нулцетына", лахарёва" ямб џэсеты. Ты пэрты" тамна џэрм' няю' мюсеванзь пэрџаць, Пэ саля' пиняювна џэда Нурма' яха' няю' миџа". Та' тыдо' нылабтамби". Ямдо' вомдавангадандо' няхарцяң яля' мина", таминдо' ямдаңга". Нурма яха' тыхавахад пуңя' сюрхалтыд". Сыра' Яр-Сале' хэван', Яхадэн' тэворџа". Теда' ма"нисям", Пэ саля' няна џэда невхы тирты џано џамдолава' хэвхана вэнеко" таян", тэхэ" харва". Тарця серм' тасла табедамбиць. Ѓаврахавадамдо' хахаяда хардахад тэмдаби". Нули" саць џамгэхэв тараб", тенева на нямдо' хаңа", пыда трэколхана турџа. Ты" лекар" ханярина яңгана". Ханяңыдо' тирты џанохона тирџа". Ѓанидо' явна ядэрџа". Яна" тиңгэвна мале сян бригада варемдо' мэць манзара".

Анна Яптик' падвы



Мор ма"ламбада" џэдалёлыд"

Тюку илаңгана телефонм' няд"мяць ханяри лахана пир"џава". Хахаяда яля' вынд' лаханадамзь. Таянандо' пыванда џарка лахарёми минхандо' пуңя' мэдо', мамонондо': «Тедари' тэтнава", мор маторпива"». Ненэсяри ты пэрты" теда' ханярина саць тэтна". Тыто' паддева' хавна моран' харвана" хибяри" нито' пуд нултаңга". Нумна, я нимня няндо' тэворџа". Иры' ямбан' тэхэ"на мэна нидо' нёракутыдо'.

Пэвсюмя' някуна мюсерта няхани џани' лахана хор"џав. Пыдо' мале манзаямдо' малевэдо'. Ѓэсындо' ерв Хэвдэ Яндо тандая' сававна лахарёмда пяда:

- Саць тэтнава". Тына" паде", ты" лекар" џэсыхынана" мэ" – яңгана". Моран' харвана" сидна" тодо" яхатпэрџа". Тюку яля' Ензя' тер" малкода" нултаңгаць. Хуняна Тасу' я' тер џатевта". Маня" яхадана" џэда" мордо' мирцярка", џадьбяна" миретаркан' жокам' мипива". Сава тарана џаво тэврамби". Ханяңыдо' тамна нядна" џатевта".

Ѓавна џацекы џэвани

малыңгана малывы тына" мора парада"махадана" џаворцетына". Ёльце џавыдоцеты". Лы" нямдхатато' пясик мимбасетыва". Жока" џэпто' хэбидя ядрев' нито' ни' нултасетына". Ѓанидо' ты" хадон' ниня џыхы ян' ябересеты". Тамалыңгана хибяхарт ни манзету" сяхари' тына" нямд" е"эмня енана" таянгу". Хусувэдо' жокавна есядамда недво"ман' харва. Теда' ненэциена" џод" харвобцудо' яңгама". Ѓахат џаврари" тарасеты". Теда' телефон' зарядник", батарейка", тамна џани" луца мутры хаңа". Тарця џавэ тэврамбасетыва". Ханяңы" ненэця" тыто' мор сяне" малкодаха" мипидо'. Тарем' жопойнда тарана џамгэнда яңгоб", нябинд таянвы џэңгу. Миридо' яңга". – Хэвдэ ма"нив.

Ѓоб" мор ма"ламбада ненэцям' лаханако ня"џадамзь. Пыда предприятиянда ед' малкурџа. Тикы нями ма"нисяв, нюми нёр падыбю":

- Сидя ёнаркад вата есявна

мор тэмдабидо'. Тасу' яв' тер" хавна ты пэртыха"на" Ензя' тер" тэворџа". Мор ма"ламбада" џахат тирты џанохона тирцеты". Теда' сибя самолет мэта" жокама". Маня" џод" џобтики тарцям' мэ"џава". Жокам' ни терас", саңгомда яңгу, ит' џамдорџа. Ѓадьбята иде" хэван' мядодо' мярыбидо'. Сяха' товава" мале џахакуд тасламбива". Теда' ты пэртина" мал' матна". Хибяхартадо' пуңя' ни џа". Тикадо' нянандо' џарка няд"ма. Жока хибя" мерета «Ямаха»' матор тэмдаби". Ханяңэхэ"на џани' пондо' ёльцянд' џатевта". Малкурта" тенева", та' ёльцяңгана ты пэрты тарем' џод" татыда, вадамда нида мадаңгу".

Тад тасла, тюку илаңгана ты хусувэй џамгэда тара. Яханана" сямянхат миретада - морада. Ѓадьбята маня" тэхэ"на мэни нёракуйна".

М.Яр'
падвы

Я' ханярина илена" ма"лёвы"

Тандая' яна" тер нява" Женева хардан' хан"џась. Таяна ООН Экспертной механизм' сессия юкад вата сибимдей мэва миџась. Я' мидыхыд харто' яха"нато' илена" тодо" тэнз" ненэця" хуркари" ила' паңгам' ня"амбади вато ваде"џаць.

Ѓани" по" тотрев' ма"лёвы" ненэця" нули" жока" џэвыць. Хусувэдо' харта янда тер" ила' нямна, яханандо' хурка" няд"ми" таянва' нямна лаханавысь. Поңганандо' маня" яна" тер" џани' мэць. Ненадовна таян' Школа общественной дипломатии тохолковахана мэвы" нина" ханавэць. Небо' Ямал' тер нем' Нечей Сэройм' няби Красноярской край' няд џэдам'

Елизавета Кузнецовам' нерня' мэць. Теда' сидди' етри' џани" ё" нямна ядэласеты". Тарем' пыди' теневабцоди' тамна жокамдамбиди'. Ѓани" ё" тер ненэцие лаханако ня"џаха', тодо" тэнз" ненэцие" ила' саирм' торомдамбихи'.

Тюку по' хуркари илаңгана тарана" серо" нямна лаханавы". Нюртей яляханандо' вадетидо' вато падыбава' няби тохоламбава', џамгэхэв тоена-на серо тидхалембава' нямна џэвы". Тарем' тасалковандо' пуд невхэхэд харто' яха"нато' илена" тодо" тэнз" ненэцие" ООН Декларация' минрена серо тамна саваркавна сертаби".

А.Хорэли' падвы



Ѓани ям' манэ'мы

Ямал' тер' цахыян' тэвормы', ехэрана ям' манэ'манзы хан'мы'. Ямальской районхана психолого-педагогической классаха'на 9-11 тохолкода' Республика Беларусь' нямна җедалёрмы'.

Ѓокханда юкад вата самляҗг ненэця' таняна мэвы': тохолкода' җацекеы', сидто ядэлана', округна' тохолкова' серо минрена'. Поҗганандо' ненэй ненэциена' җани' мэвы'. Ѓопойдо' – Ольга Яптик. Пыда Панаевскхад җа. Ѓедолёр'мита нямна тарем' лахана:

- Нюрте'э' Салыҗгардахад Москван' тийнаць. Таняд Минскан' хаяваць. Тиртя җаноход ха'мотабна' сякни ядембада мерця тебась. Ѓэрм' тер няна' саць мохокабтёда то'олхась. Хаця' ныла'махадана' харад' помна ядэрманзы хаяваць.

- Ехэрана яхана хурка җэвы? Ѓока сава җамгэм' манэ'җан?

- Ёльце савасей, сэврини мэ'җадамзы. Мань нюртей мэва несэй ян' тэвыв'. Сидна' җоб' манзая'җаць, сямян җамгэмдо' няна' манэ'лабтамбиць, ваде'җаць. Таремгав' ханяҗэхэ'на лабка' җэсонд' хар'на хан'җаваць. Пыдо' җобтики харто' есясавэй'. Ѓопой рубльто' маня' есяхана' толаб', 28 еся' пир' җэҗгу. Тэмдорпани харто' яндо' вадавна ла-



Сидяҗг: pedclassy.bspu.by няд ханавы

ханакоди намдорҗадамзы. Сидна' ядэлавы' ненэцяҗгав' мал' луца вадам' мэ'җаць. Ѓаврахатато' картошкам' саць мэневы'. Тарця җаварм' ялэхэ' җорҗаваць, пиребцоридо' яҗгаць.

- Ненадо я'амна ядэрцада', ханямна сидда' ядэласа'?

- Нюртей яляханана' «Хатынь» нубета мемориальной комплексхана мэваць. «Непокоренный человек» хэван' җамдэдо' тэвраваць. Невхы иле'мя няна' ваде'җаць. Ѓавна сайнорма' по' мальҗгана тики харадм' парадавэдонзы, ненэциедо' җобтики...

Тадхуняна Максим Танк' нюмам' мэта университетан' тюваць. Тикахана җацекеы тохоламбуванда тохоламби'. Няна' ненадо' книги' музейм' манэ'лабтаць. Мядондито' книга танявысь. Ненэй вадавна падна идеяваць. Тикэрична енар' вада' җэвани мю' вунься' ту'. Пунацей' хэ'мяхадана' вадини җадимяць. Ет' җопой ядэрмами вуни җа', сяхари' җани' падна тарабта, җахакуд хамэдэдадм'. Тамна студент' клубан' хан'җаваць. Мьякадана' мядонзэй тэвраваць. Мал' няндо' мийнаць. Школаха-

дани падко (шопер), сувенир тэврадамзы. Ма'нисям', психолого-педагогической классаха'на тохолкодаха' митьдо'. Ѓани җопой яляхана «Беловежская пуца' ня' сидна' автобусхана ханаць. Брестской крепость' җэсонд' тэворҗаваць. Хэвана' нерня Минск харад' помна ядэсумбиваць.

Нямэхэна нара' Минскхана тохолкова' серо минрена' няби Ямална' тохолкова' департамент' тер' ненадо падарм' пидтевы'. Тамальҗгана сиддо' мяк' ханзы таславы'.



Лакханаком' ваде'мы

Та' җарка марад' няна җани' сава. Тамна харад' тер' җэрм' тер' ненэцие' лаханакохо' инзеле пир'җа'. Тандая' Санкт-Петербурҗхана тохолкода' харто' иландо' саирм' манэ'лабтамба-вэць.

Ѓопой ненадо ян' мято' пал'мы'. Тикан' «Дикая земля» экоферма' тэхэрт тэвравы'. Пыдо' мал' паской ембдьяродо' сервы'. Марад' тер мядоманзы хамы'. Ялядо' «Сказка Арктики» нубе'мы.

Ѓэрм' тер' ненэцие' институт-

хана тохолкода' ненэй ненэця', тунгос', чукча', юкагир', луца' лаханако вадець идевыд'. Ѓокханда режиссер-постановщик' ня' тетм' манэ'лабтавы'. Институтандо' җэвахана мэна җобтики нянандо' мэвы.

Мэта җамгэридо' нямэхэна җахакуд харто' сэдыбавыдо', хамэдамбавыдо'. Лакханакомдо' җули' сававна ваде'мэдо'. Няндо' инзелевы', сиддо' маниевы' ненэця' тэри маймбавы'. Ѓэрм' тер' ила' нямна хаця' намдавы'.

Нюртей манэ'лабтавэдо' «Хутий» җэвы. Җацекеы' небямдо' нядабаван' җоб' нивы' харва'. Җадьбьята не мунд' ниня намдорта нюхутата хунвы', хутийҗэ хэвы. Тарця лакханако нисяха'-небяха' сямян җамгэхэна нядаба тараван' тохоламби.

Җанидо' – эвенк', эвен', эскимос' лакханако'. Тики хавна мядондито' е'эмня хуркари пирдырми, тохолкова сертабавы'. Ялямдо' ёльце ханзоць мэ'мэдо'.

Ѓобанзер' тасалку'

Ямална' җэвахана мэна Дмитрий Артюхов ява' җэдабади' ненэцие' мяд' терха'на лакханаковы. Лакамбой' СВО' няд ныланаванзы товы' җобтики тикахана мэвы'.

Округна' нермбэртя лакхана-навы: «Ява' җэдабадина» ня', мядото' тер' ня' етри' җобт' тэворцетыва'. Тарем' ма'лёва' пуд җамгэхэв' тасла я'амна серона' сибдасетыва'. Ненонна «Защитники Отечества» фондхана ма'лёрмава' саваҗэ тасламбидм'. Тюкохона манзарана' яна' тер' тоенана' серо' нямна нюртейҗэ намдасеты'. Тикахад хурка няд'ми таравам' няна' вадецеты'. Ямалханана' җамгэри җамгэ таслава' пир'. Ява' лэтрамбадина' мядото' тер' нямна идо' таҗгабато' серо'җа'».

СВО' няна мэна' ненэцие' мяд' тер' Совет' җэвахана мэна не и' ядэрабцом' ваде'җа: ява' җэдабаванзы ханта' ненэцие' небя' җобтики нядаба тара'. Ява' лэтамбада ненэця' пуху-

ця җока нюсавэйха' мипада сертификат' нямна лакхана-навы. Мамы җэ'нив', маня' җани' тарцям' ня'марпабна' сава то'олха. Няд'мам' маҗгты' нюртей яляхад мипа пядонзы. Тикым' няд'мяць җацекеы' школахана мэта җовори тэмда пир'җа'.

Тики хавна хуркари җуда' терко сэдыбавам' ваде'мы. Мирда'мы җаворито' есяха'на пардон тэмдаби'. Проектандо' юнм' я' тиҗгэвна җэдара табета-давы. Лыҗгарёсь мэта поҗга паҗгалпась ядо' саць нюдя җэдараха. Ма'нив, җарка җэвы җэбта сертабададо' җокарка җэҗгу. Нядаҗгода не ненадумдаба таравам', Салехардхана дрон сертабавам' ваде'мы'. Илесь ям' савумдава' е'эмня җадимдембада 500 ёнар' есям' МФЦ' сер' ня'марпа я'амвамдо' хэты'. Ямална' җэвахана мэна ваде'мыдо' саву'мыда, таславанзы пэрьяда.

Марад' тер' вадавна сиддо' ни' юрибю'. Депутат', лекар' нядаҗгу'. Ѓокханда ня'марпада няд'мадо' 50 пир'.



Сидяҗг: arktgovsrb няд ханавы

Їамгэхэртм' няна" Нув' ед' ни" тамбю"

Манзарамита та' тэвава' е"эмня неңэ халям' хадабаданэ манзарась:

- Самляңг по' халям' хадабаданэ тарадамзь. Тяхакуна сиднет по' нэсыхына мэдамзь, нябимдей нэсыхына манзарадамзь. Хабтона" тянэңэ еремяць, ненэця" ты ни" пахаламбю", мерета еся' хано мэ"ңа". Тарця нэвэ" тэмдава' няю' мале сян ты" миць тара". Сидя иланд' тым' тярпа тянэ", тарем' харад' иланд' тэвынинзь.

- **Їамгэ пыдар халяданаңэ падын?**

- Харад' мяд' е"эмня. Илңы нэвани няю' совхозхад етя программ' «Развитие села» няд"мяць ня"мамизь. Мян' няни падвы. Манзараб"ни тара"нив". Самляңг по' ямбан' тюку мяни' е"эмня халям' хадабидм'. Вэсакони, Анатолий, падрода вэваць, военной билетада яңгусь. Пыда нянда падвы нэбта, нивакэдем' манзараңгу". Сава халянда таянэ", илека, тэри ханяхавадныхыр нэдибертараха нэңгу. Їока"я халям' манэтанэ поңгамд яңга сивна вэрдамбаңгун, панта - тэри маймбаңгун, яңгобта - ныхысяламдархан нэңгун.

- **Планм' пэрцан?**

- Мань ени тет тоннась. Тикахад нэдь" тянэрка нэбта эльць' мян'. Тэравэрим' ханаби", сэр" нэбта серо"ңа, сямбак, идюрця хадаба вэва. Пайха", палкур" - тарцярим' ня"марпива", планава" тикахат пандамбива". Їопой-сидякоця ханяңэхэ"на ереберцеты, илебта ханяр ит' нэдара".

Ямал' яна" тихина ханярина невхы похона таявы совхоз пакалпидо'. Тюку по' МУП «Совхоз Антипаютинской» манзара нэвадэяць. Тарця юнм' халяданаңэ таравы Евдокия Вануйто хэтась. Самляңг по' тыхана тет юд' мян' ненэця" поңгарнаць. Тикы нерня вэсаконда ня' тю"уна илевэхэ', нэсыхына ты пэртяңэ таравэхэ'. Илңы мяд' терахаңэ хэсь, совхозхана манзаравадид' нид мядм' Антипаютахана ня"амвэхэ'.



- **Ты пэртя ненэцяңгат сэвад сырңа"?**

- Нини ял' илець. Нисями нерня халядась, пуна ханесь, ветеранась. Їопой" пенсиянда нэсонд' ниць тэв", мер' яңгумась. Нисяени няби' ня' хэб", ю" тет поминзь. Вэвако хабцяңгана нэрка няни ня хаяханзь. Невхы похона халядавы" тобарципой" поңгарць, нэдо' ханьпавы", тарем' хабцяңодо' нэдибермы".

- **Нют нисян' ханзер" тэвын?**

- Нини хар"ни' хойнинзь. Тюку илаңгы вадавна, хан' вэняна хэнадарев' хаядм'. Сидяри' нудами ня"амба хэнадарев' хаядамзь.

- **Манзаяхавм' пиртакэра?**

- Хардахана илеб"ни нэдь", хой' някуна мядм' палпидм'.

Тикахана сэдорадм', сямян манзаям' мал" пирьян. Маня" тарем' тоховэва", тэри мэсь нива" пирас". Харад' мюня мэңгунэ, не-нэй мяд' ня' ладартан.

Ненэця" манзаи тамбасеты".

Хар"ни' нядни пэрңадм', тэри тэмдарамбин. Нядни вата нэдимб", сертаңгув. Теневана ненэцям' хонраңгудм' - тарця ни' тара"? Пива", лоңг", паны", бурка" сэдыбидм'. Лоңг", сава", нэдалэ мэта ни"им"ңа". Нани яляхана ту' нэно тута, тикахана хонрамбаңгун. Нэцекы" буркы" харвабтасеты". Їока еся ни нэсяту". Нэтаңод" сава, нэцекэнд нэмгэкод школан' хэвандо' нерня тэмдаңгун. Нэхат интернатхад хан"ңаць, тедахав' мякдандо' хан"ңа".

- **Нэхат, нэсыхына манзаравад мальңгана, луца сэды" пэрцан?**

- Тарця пэртава" яңгусь, тад нэ" ты' лекар" ненэй ненэцяць, харто' ненэй паныдо' таянэць. Харто' пухуцидо' сэдыбаңгудо', тад нэ"

харто' нэсындотер' нэю нэңгу, харта небянда-нисянда

мякана мэңгу. Теда' нэсыва" тамна манзара. Їопой" тыто' толыр" манзарахаңдо' тола тяню"ворңа. Тетамбой ненэцянд' мась.

- **Мяд терсавэй нэб", нэсыхына тоена?**

- Тюку илаңгавахана не" ненэй пия" мэ"ңа", хардахад тэвабада". Сирнахавм' нин манэт". Нерденя по' тамна сирнасетым'. Тедахав' хардан' то, бурананда ханм' пяха"на пэңада. Ханяңэхэ"на тамна вадам' нэдараңгу, хардахана нянда таянэ", пядва" тэврая". Тедахав' хусувэй мирвадо' таянэ. Тикы нэвэ" КМНСхад ня"марпи". Спутниковой телефонхад лаханаңгу: «Пями суса, пядми тэврада"».

- **Халяданаңэ тарадинзе, пыдо' нани' сидди' хамедярка"на нядаби"?**

- Таремнэгава' халядана" «полукочевой» нэ толю"ним". Тамальңгана митерпада нэмгэридо' тянэ" нэвы" ни нэ", маць, теда' хардахана мяцавэйданю", нянанди' ни' серос".

Илеван' харванахав' нэмгэхэрт манзаян' ни" табат". Евдокия Ивановна варемда мэ"ңа. Тиканда сенз нэя, мята тер" сенз нэя". Яб мято' мюня нэб" мэя. Нидо' нядаба илея".

Лариса Їоки' падвы



Сидяңг": М.Яр' тадтавы"

Ява" сяңгава"!



Сидяңг. М.Яр' талтавы

Хусувэй по' епдя' паңохона паранана тум' хабтабада" ненэця" тыхыналсетыд". Та' ёльцяңгана пэдра" парана пэсетыд". Ненэй мякана һод" һани' тоса серо"һа.

Ту минрена манзаяда сидя сер' һа. Пыда ненэця' яваңэ тара. Хибяри" вы мякнандо' тусипой" нидо' пирас". Ту' ялям' мякана манэпат сяхари' тикана ила' танявам' хамедаңгур. Ненэця' тухуна пыхыдамда ядемдаңгуда, һаврадамда пиреңгу. Нябинзер' – харад", пэдра" паранава' ёльцяңгана хибяри" һока һамгэмдо' ёцеты", ханяңы" тухуна инд"цялворһа". Ту сяндада яңгу, ненэцянд', я' сармикаха", нув' сармикаха" һарка маям' минре. Тарця яңгова'

е"эмня падвына", выңгана иленаңэ, сававна толэйда". Пили" тензибтембида". Тюку то"олха юнм' мале һахакуй похона һани' ваде"һаваць.

Выңгана, пэдрахана илена" ненэця", тюку падвы серо теневабта" тара:

- тахабэй кор" (хор"), һани мядо' явоңэ мэта һамгэри", тахабэй һэбто' мэта" ни" һа";
- мяд' мюня һэда" кор' сякана еся' лабас (тюмю) пили" һэбта тара. Тикы еся' лабас һарадада 50*70 см' пир" һэбта серо"һа;
- хуркари параңгана яёл", мер' лэворта" һамгэри" кор' (хор") хэвняна һоб" метра' пирувна һэбто' сава;
- керосин, солярка һани мер' табцаңгана һамгэри" ту' табц"маңэ мэта" ни" һа";

ед, сива, икана панта бочка, табхана пандавы лабтэй ненэця' ядхана паранана ям' хабтабава' е"эмня етри' хамэдэя".

Выңгана, пэдрахана мэбта" я' паранавахад лэтрэва' е"эмня тарця серо те небта" тара:

- нярцоляңг, нядэй, һувэй, невхы парана"ма' яхана, илебей пэдракохона ту табцдамбада ни һа". Ненэхована һарка мерця' ёльцяңгана вэва;
 - сал", хаввы пя" парадамба вэва". Пя' ванохона морёмбада ята"ма һарка туңэ хан"һа;
 - епдя' ёльцяңгана пэдри" поңгана ту табцдамба вэва;
 - пэдрахана, выңгана мэбта" лэтрэрка сярэмбтада";
 - тодабця' яңэ ид' хэвхана һэда яра саля" мэць сава".
- Яха' һыне', лабта', пэдра' поңгы харвсыда я тодабця' яңэ һобтикы мэта". Тодабцям' пятава' нерня ту хэвхад хасуй һум', мо' хэвня' пэрта". Хэва' нерня тодабця' һэ"мя я икана вабта"махад я' пеляхана моёпада. Һацекехэ" сера нёда" мипасету". Табцорта һамгэри һацекехэт такалпида". Нюкцида" һули" лэтарамбида". Нивы хабтавы ту һока маям' минре. Паравы яхана няда 6-15 по' ямбан' вадёдана. Няда табцабата минханда лэёмһа. Я' сяр" нина нивы хабтавы тодабцяңгад һока ненэцие" илесь я", харад" параңга".

М.Ярой' падвы

Харе" вадавнандо' лахана"

Разговорный
ненецкий
клуб Вано"



"

М



(Нердена пеляда 28 номеркана һа)

Арина Вануйто вадамда тамна минреда:
- Маңгы" ирыхына ПМЭФхана мэваць. Тикы я ханярина ненадоңэ толёда һамгэ, сидна" харто' хаңаць. Таняна ненэцяңг" мэкад һавэ пэрмана" нямна, ханзер" харе" вадава" нерня' минревана" нямна лаханаваць. Тарем' янамбовна нерня' миңава". Мале хуркари" пирдырмаха"на мэсетыва". Татьяна Сэройва" хахаяда яля' тодо" я" тиңгывна минревы конкурсхана нюртей ян' ха"мыць. Луца вадавна падвым' ненэй вадан' тэвра тарась. Тикы нява" хуркари илека һавэ сертаби. Тандъярка" мэкад хобцо һадимдемба пясь. Маня" помнана" тарцяха" һани' выдараңгаваць, вадам' сававна тенева" ед' таславы". Газетава" толабада" сертавы хобцуна" хобато' сава һэдараха. Нина" ядабтамбавана" ёльцяңгана сянакубц" һани' пыда һадимдебасетыда. Луца" һадимдебада сянакубц" ненэй вадавна минре мал' пиррыд". Ихинани клубан' илебей ненэциена" турма сава. Сяхаринда хасава һацеке" маңг" һэсетыв", нянана" мэна" лэкда ехэра", һамгэри яля' няю һэда серкана сидна" нядабасеты".

Теда' сельбям' һатева", таёльцяңгана тандая' тохолко тованда" һадимда". Пыдо' нянандо' ихиня саць һарка няд"мава" һэңгува". Тандая' товэхэ" харе" яхаданда перена хибя" танява ныхым' тамби. Һока хибяхана нюдяко хардахад товэхэ"на һарка маркана нюрте"э' това тоенана сер", һадьбятта маня" нядаңгодава".

Тарем' илебей ненэциена" няби я' панхана помнандо' сензувна иле", харе" пыхыдадо' нерня' пэрһа". Ваднандо' тарця ва"лэй" ненэцяңгат нидо' нядабада" һадимда". Теда' нердена һарка сехэрэндо' ни' ха"мыд".

М.Яр' падвы

Ненадо' серо минре"

Яна" һарка марад' няна, Москвахана не" форум һась. Һобт' некоммерческой организация нерня' минрена" нябимдей яңорэй" ма"лэвьць. Поңганандо' Ямална" тер" һани' таняць.

Сидя няхаюна" танямна һэдалёрһаханзь. Пыди' сидябты" «Женщина-НКО» ненадумда"ми ня"амвэхэнзь. Галина Ачембоевна Матарас «Минлей» нермбэртя тарана «Культура и искусство» ненадо падарм' ня"амвы. Аксарка' няна «Путь к совершенству» организациям' минрена һобтикы ва"лэй һэвы.

Няд"мамдо' общественной манзаян' пэрта не" ед', тарця серм' ня"амбаван' харвана" һокамданава' е"эмня һадимдембидо'. Пирдырмахана мэна" Россияна"

ё" ханярид товы". Пыдо' мал" яндо' тер" ненэцие" илам' савумдаван' харвана". Няхар" яля' ямбан' нидо' лахана ня"мы", теневабцодо' һокамдамбавы", едэй и' ядэрабцодамдо' хомбавы", минрена серодо' тасламбавы".

Илам' нерня' минрена" не" хуркари тарана проект сертаби". Ханяңы" варючи һацеке, ветеран, хаңгурта, маянд' еремы нядаби". Һани' яха"нато' спортм', туризм' нерня' пэртаңэ тара". Илебей ненэцие" тохолковад һадимдемби". СВО няна мэнаха" няд"ми һэдарами". Ям', я' ниня илена һаво, невхы ила' саирм' лэтрами". Таддикахад форумхана сава нядамдо' хомби". Тарем' нидо' нядаба манзара".

Анна Яптик' падвы



синё ханзо мохоббава һаябад тэгнава падева малкода пур"

һэсы нибэре нядэна пуно һавка едля

мора нярцо ту хойрэ якэ лымбад лабта нядэко мюсерма мюд

Иры' ямбан' неняңгахад ненэця", ты" таңгм' ни" хомбаңгу". Тюку' по' та"ма" ядембаванзь ваде"һадо'. Тарця һэб"нанда ты" пэртина" саць тыхынаңгу".

Сидяңг. М.Яр' талтавы

Хома шоньшахана ныптаку”



Кудкади” мэкат паны”, һамсадыта” һамал”. Шанат тэмс” неша” «ЭтноАрт» фестивален һомаш”. Тарко-Салыхана чики мероприятием” нельчезэй мэматуң ниңа, манде хамплянкты шелтаматуң. Чуки похона Талкан чел” мячинчетуң няш һокна һыптакомантуң мэт «Прибрежный» паркан һомаш”. Нянал’ тэмс” неша” поңкнатуң мяналмантуң мэт һанатамэт. Луса”, һысма, шича нешаң команда, ними Кадпюдкат томы. Тотуң калитуң дилмтуң вачаңа”, культурамтуң һычимчеңа”.

Маня неша” нена” һупчики чикидю поңкна нешаңа дилма вачаңаш”.

Тадкахат мэна” нена” «ЭтноАрт» фестивалехана нешади” дилың деэмня һайта обряд’ һычимчеңаш”. Пытоң мероприятихинтоң хомана һанатамэт. Шаңкмян таньдет таланна” һамыкутун тамай”, мээвчетуң вачитуң хомана тоходамай”. Тун мунумаң дет һайта обряд’ һычимчеңаш”. Ту выңкна дидина нешаңкна пиди таланна һамы. Чики шел вачата” нена” маньшту: ненэй нешиң тумта чудипёманта дельшкана пон шоншанта мюня мунуты. Талям четаң талыша обряд’ шелтаңа”.

Һысми” команда һупчики кадьтуң дилмтуң, культурамтуң вачаңа”, кынсу” кадьтуң ватаманантуң мэңа”. Кадпюдкат томы”, «Росинка» садикхат мэна” нена” куняна, мансламаттуң вачаңа”, садикантуң деэмня һайта кынас мэңа”. Чикиң камна мяналта” кудкади” һамсадыта һамду” тамай”. Шиниңкуна выңкна дидина” лапкахат ништүш тымтул”. Һамлатоң каньдяш, калиташ, һочахана тыхульш кадьтуң коштуш”.

Фестивалехана мяналта” кудкади” һамсадыта” һамал” пидимай”. Дюлт пидимы” нянь”, һамса”, һоча”, кадя”, һоча нянь”. ЭтноАртан томы” неша” маньшту”, пытуң вихинянтүң таньше һопт һома дельше хома. Һинди дяхат мэна” нетуң дидивсум манешту”, поңкнатуң культурантуң, ватантуң ням-

на дёдимяшошту”. Шанат тэмс” неша” хома шоньшахана һокна дидиматуң тада. Чики дяляхана мят чел”самың һокна ныптакомантуң мэт һука неша” тоңаш”.

Мяналчи” маньдемантуң камна фестивалехана мэна” мастер-классхана” кудкади” һамыдю” шелтапёшь тохотаңаш”. Ненымана таньдет һашки” майпиш”. Шычитуң тохалампюта” һалка” нетоң кудкади” шаңаку” шелтапёмам няңтоң һычимчеңаш”. «ЭтноАрт» шаңкмян нешади” тэмс” һокна ныптакомаң мэт шелтамы. Фестивален томы” маньшту: «Маня” һуп дяхана дидина һайши, һуп вин камольш, хома шоньшахана нена” нямама тада. Һуп веңкахана нельняң минтјама”, чикехена хома һайты. Талям талыша дяля, таньше һопт һома хома». Шанат тэмс нешади” дилым, культурам һычиччешюта «ЭтноАрт» фестиваль путахана Таркахана мэштонһатуң. Пунчена һай шаңкмян тэмс неша” һопт һомты, һокнаныптакомантуң мэты.

Лариса
Айваседо патмы



Ёнко

(Нердена пеляда 26, 27, 28
номеркана жа)

Неры тамбирувна вэнола няватавы ты" теда' њаводана пэдавандо' сер' янамбовна минзь пядо'. Ядавандо' ямбан' њэлад сырам' тэри њаворњадо'. Ти, њаво" пиркана ервхандо' нись намдор" харто' њэсондо' нульяд". Ёнко тарем' нултана тыда ханзеркарт' нида манзабтамбю". Пыда ханя' њэдалёвамда тарця пэвдя нумгана нида хамадабю".

Ёнко пили" њод" хананда нид ян' ха"мангуць, лакри' ида ядэлы" - харобта тамна сармик иленакы? Тад лакри' яњор" илебата, нена" я"авлынё".

- Кыш! Кыш! — Ёнконензаминдя хабтм' сэвлэн' ха"аврада, њани' нерня' њэванда сер' њэдалэй".

Тыда янамбоковна нерня' њани' нэкалњадо'. Каво" пиркана нултадо'. Сидя пелейда минханди' сыра' ни' ва"наяха', мандадарев' — ханя' теда' паромбива", њылекава" нив ха"? Тянёмбой" ныланахава".

Ёнко сята нид хадасавэй выварта мерцяд такалпа нюхулёда, тынзянда њани' вырцелабта хор"њада. Тамнахав' вырценавы. Хадрё' сармик нюхулёдаханда сохомзь хархавы. Ёнко хананда нид ян' ха"мы". Пыда нерня мэтамда хананда хан' њэн' сярата, тад тикыхад ида ядэлы": «Теда' ханзер" њэсь сава њэбта?»

Мале пињэ хая. Тикы' хавна њод" њарка хадањэ ладада. Тецяда мерцяда тэри сита. Сюрня хадада тамбирувна са"ња, няданда мале сян ењга" хунакана њамгэхэрт' ни њадио". Ёнко едебям' ляда-

па ханамда мале сян сюрхаледа, тад тикы' пуд нув' няран' пэдёта вэвакоявана нэкалкая сылы". Ихинянда њоб" нумгэхэрт' њадимаява. Тарем' таслада: тамна тяха' нерня' њэдалё хумбазяда њэвандарха. Тарця хад пэвдя нумгана ты пэртя" ханяна мэвам' ханзер" хамадањгув, њэсы ханяна њэвам' ханзер" хамадањгув. Коб" Кэрм' нумгы њадимы њэб", Ёнко њамгэ' яхана мэвамда минханда таслањгудась. Вы' я' тер" ненэця" пэвдя пихина њэдалёбатог', ненодумда"мадандо' нумгы мэцеты". Ти, њадьбято' ни" ёхоборцету". Теда' туюк яля' пида њарханда талм, њамгэхэрт' ни њадио".

Тарцям' манэкава ида њули' саць вома, харта њэсонда яруман" харбилы". Тад тёрелабата, хибя хахая мэна тёрамда тикырихина намдањгуда. Ёнко нид ханторць, хананда ни' њани' њамды". Кэва' иня' малм' њуданда тяха' пэбтаба пя, тарць" ямбахана сюрна хад тэри сита няйби. Тарем' инда ядэрць њамдё, ихинанда хибяв нянда лаханана то"лаха: «њопой валакада сеяр нёя хань", нён лыдабтара". Хумбанзи" вымна нён њэдалёр". Харт пыхыдамд тыт ня' маядањгун. Коб" нён яр". Хаданд хэва њоб" яхана њатед. Тад њод" мяцяда яхана сењга"ма? Тарем' тэсавэй сењгава њамгэда вэва, ёльце сава нив ња"».

Ёнко тикы вадиг' њопой-сидя нисяхаданда, њани њарка ненэцяњгат намдавыда ни" ња". Пыдо' харто' помнандо' лаханаб"нандо'

манзеты": хадан' ерембат, њули' хад' хэва њопой яхана нусь њатед. Пыда тикы тарем' њарка ненэцие" табеко"мам' сававна тенелњада. Мяцяда яхана сењгабата њод" њопой вуни ња", тыда пармес" нив". Тад њод" Ёнко њамяна њацеки вуни ња". Харта вымна њэдалёрта хасава нив ња". Ти пыда ханзер" сармикм' тынзяњгана сохомданараха. њопой тикырида вэва — тюрамда ё"ња.

Тад инда хахая юседана сармик' нямна хэхэва, ханзеркав" харта њэсонда ялэй". Ёнко ихинянда ма: «Мале сохомы сяха' сян илењгу"?» Тад вырка"лёда тынзянда сер' сылаванда тамна теда' харта манэ"ман' харбилада. Ёнко хананда нид ха"маванда сер' мерця тад сита ладхалмонда, хацей" ян' мона". Пыда тарцям' манэкава хадавэмда сармикамда манэ"манзь њэвадэй". Тад сававна ва"нада тэхэта сылы". Мэгита тыта махандо' сюрбари" сырандо' поњгад њади". Тикавахана Ёнко нензаминдянда ядахы тэхэюта понд' сята ты' нямд хадалмоњгад мэхэя, њули" сававна юсибтэй". Тарцям' намдахава тыда хацэрт' ни" манзад", мале тарем' тохобэй" ни"им ња".

Ёнко сэвда хаймла"махаданда лакри' мэн' харвада сулътй", нянда син' ладарта нянда идм' њоб" паласетыда. Интернатхана илена њацеки нита нямна ида ядэлы", хадрё' њаха"на пэвсюмяняњы сэймдо' њамэдо' ни ња", теда'

мале нивням' хоню". Ёнко лакри' макананда њэда неры сиддо' вадабада луца ненда тавы хорова' юрцавэй сэр" булкам', сахар' ютерм' тензибте, тад тикы' пуд неры нисянда хананда пуня' хуравы њамзи тенельяда. Тарць" ямбахана юркаван' њэта ни' њули" ни харва". Макананда њэда булкамда, сакарта пула, ти тикаюда њавола.

- Кале, вэнзереv' еремянё", - сята нензаминдянда тар" понд' нид пакалемба ихинянда ма.

- Хадрё' нисяв теда' ихинанда ни ман", хасава нюв еня ненэцям' ты ерамба нядабива. Нисяв тыда мер' ты лэтамбада мят' њэдараван' тэри ни маймбю". Теда' њавормадавэй" тыда харта хэвхананда ва"ны", иб" нид подёро хадырмы" њэйць, њани' сырада саць ёря. Тад тикахад сиддо' вадабада луца неда ихинанда њобтарем' еня' хэвхана мэнањэ си"ми нивняв' пэр". Теда' тамна ханяна мэвартахадани ехэрадм'. Хибя тенева, харобта савув", тамна њэсыртган' вунив" тэвањгу". Та' мальњгана тохоламбада урокани њэдарањгудама. Нена' вэнзереv' еремянё", њамгэ мярада яњгу манэ"манзь хаядм'.

(Пелямда њадиманда
газетахана толаира")

И. Истомин' падвы.
«Маймбава» толањгобцьхад
ханавы.



Ялян' харванам' - яб нёдаңада



Хэвы ныланава' яляхана округна' тигувна халядава' ялям' ядабтамбиваць. Приуральской районхы Аксарка хардахана тодо' яхат товы' ёртя' рубтики сянакова' ялямдо' мэ'ңаць.

Хубтыхы ю' час' пиркана сарё рэбта руд' Саля' яв' лаңг' ниня' пирдырманда' мале рубт' ма'лэвыць. Нюрте'э' хасава' мотор' ранахона рэдалёрнаць. Юкад вата ненэця' сидлад'мана нидо' нертемиць. Пыдо' таславы ян' мер' тэворпато' тарась.

Сарёхона саць рарка мерцяда яңгусь, хамба' хасенаць. Тикы нито' сянакодан' лаңг' ядхана нердена тодабцие пятаць, мяд' тер'мана халя' евэйм' пиремба пятаць.

Тюку по' хуркари едэй евэй пиревыць. Мал' рэбто' тикаханандо' халя танясь. Тайбери мяд' терха' пирдырманди' няю' халядамди' Пирця харад' няд тэвравэхэнзь. Неюм' ма'нисяв, мани' евэйханани' рамгэхэрт' луца раварм' нининзь моёпю', ихинани паромбава' ёльцяңгана таросяда сер'. Виктор Перчеда Харсаим' тер, халядана ненэця', пыдха-

вада мякданда пиревандадамда тэвравысь. Мята тер' тодо' я'амна харе' евэйдамдо'

пирембавыць. Хасава нюхуртада небянди' ня' варемди' мэ'мэхэ'. Тад пуна тасла Надежда Перчеда пиревым' пирдырти' поңгана сямянхат рэвыдотаңэ таславэдо'.

Яля' еркана тю'уна' рюка хибя' ма'льць. Таняна тарана' тараць, сёбар' харто' тяхакуна сянакуць. Поңганандо' ва'лэйвана раябадм' хырыбада' рани' танявыць. Хасава - ханюй халяхад раябадм' есьпиць, не' - тандая' ватавым' мюлебиць. Ерводо' сававна ёрти ненэцие ненадумдэйдонзь. Тикы' поңгана мале теневаана нява' Виктор Перчеда мэвысь. Хадно' яхананда ненэся ва'лэй рэдараха.

Пирдырмахана нерня' ха'амвы' мал' руда' тер ня'маць. Тарем' Хо' салыхана халядани' ед' таславы ненадо ялямдо' мэ'ңадонзь.

М.Яр' падвы



Сидяңг.: М.Яр' гадгавы'

Газета
«Няръяна Нгэрм»

Главный редактор
Яр Марина
Тэтакучевна

ГЕНЕРАЛЬНЫЙ ДИРЕКТОР
АНО «Ямал-Медиа»
Зулинова Мария Андреевна

№ 29 Подписано в печать 18.07.2024 г.
Вышла в свет 20.07.2024 г.
По графику: 16.00, фактически: 16.00.

ПОДПИСНЫЕ ИНДЕКСЫ:
на год – ПА701,
на полугодие – ПР562.

Учредитель – департамент внутренней политики ЯНАО
(629008, ЯНАО, г.Салехард, пр-кт Молодёжи, д.9, каб.708).

Издатель – департамент внутренней политики ЯНАО (629008, ЯНАО,
г. Салехард, пр-кт Молодёжи, д.9, каб.708)

Газета зарегистрирована – Управлением Федеральной службы по надзору в сфере
связи, информационных технологий и массовых коммуникаций по Тюменской
области, ХМАО-Югре и ЯНАО от 19 апреля 2012 года.
Регистрационный ПИ № ТУ72 – 00559

Тираж 3616 экз.

Заказ № 1043 (тираж 1581 экз.) отпечатан в АНО «Ямал-Медиа»
Юридический адрес: 629003, Ямало-Ненецкий автономный округ,
г. Салехард, мкр. Богдана Кнунынца, д.1, каб. 106
Фактический адрес: 629007, Ямало-Ненецкий автономный округ,
г. Салехард, ул. Чубынина, 39А

Заказ № 1043/1 (тираж 2035 экз.) отпечатан в АНО «Ямал-Медиа»
629309, ЯНАО, г.Новый Уренгой, ул. Северное кольцо, стр. 2/4).
Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,
г.Салехард, мкр. Богдана Кнунынца,
д1, каб. 106
тел. (349 22) 4-53-32

E-mail: nn@yamal-media.ru